


續名醫類案

第三十五



續名醫類案卷三十五

錢塘魏之琇編集

漢院呂大綱慎齋
海昌王士雄孟英同校

膿疥

蘇頌曰、黔人治疥癬遍體諸藥不効者、生取白花蛇切斷、以磚燒紅沃醋、令氣蒸、置蛇于上、以盆覆一夜、如此三次、去骨取肉、毛以五味令爛、頓食之、眠睡一晝夜、乃醒、瘡疔隨皮便退、其疾便愈。

本草綱目

張子和曰、貨生藥焦百善云、有莧夫來買苦參、欲治疥、不識

藥性緩急。但聞人言可治。濃煎一碗服之。須臾大吐痰涎一盃。二三日疥作痂矣。

潘埴曰。予蔓孫患膿疥三年。身無完膚。下體尤甚。內治外治。百無一效。乃治製一方。名和中固氣湯。以蒼朮一錢。煨湯。白朮一錢。固脾。黃耆一錢。實腠理。升麻八分。柴胡一錢。引清氣。元參八分。散上焦火。苓連各七分。清中焦火。黃柏七分。伏下焦火。歸身一錢。養心血。甘草陳皮人參各五分。調中氣。煎服存渣。加白蒺藜金銀花煎洗。十數劑而全愈。

楮記

室

姚應鳳診一人。遍體發小疥如粟。應鳳曰。是名淨海瘡。不治。

生治死。其人不信治之死。

錢塘縣志

元希聲侍郎治卒發疥秘驗方石灰隨多少和醋漿水調塗隨手卽滅。一法用石灰炒紅出火氣香油調傳。

薛立齊治瘡勲李龍岡患疥腿足爲甚日晡益熾口乾作渴小便頻赤此腎經虛熱用補中益氣湯五味丸而痊。

一儒者善噫患疥以爲內有濕熱腠理不密外邪所搏也與補中益氣湯加白芷川芎治之不從自服荆防敗毒散痛處發腫小便赤澀此肺腎陰虛用補中益氣湯加五味麥冬而愈。

一儒者患疥誤用攻伐之劑元氣虛而不能愈用補中益氣

湯加茯苓其瘡頓愈。又因調養失宜。日晡益甚。其腿日腫。夜消。以爲氣血虛而有熱。朝用補中益氣。夕用加味逍遙而愈。

一男子時疫愈後。所患如前。用前藥補養而愈。有同患用砒法出血而死。此因陰虛血熱。色黑作癢也。何乃反傷陰血哉。

一婦人疥久不愈。食少體倦。此肝脾虧損而虛熱。先用補中益氣湯。加川芎炒梔。元氣漸復。更以逍遙散而愈。若復間譫語。此熱入血分。用小柴胡湯加生地治之。血虛者四物合小柴胡湯熱退。却用逍遙散以補胃生陰血。或有寒熱

如瘧亦治以前藥

一婦人患疥作癢膿水不止脈浮無力以消風散四劑少愈更以四生丸月餘而平

一男子癢少痛多無膿水以芩連荆防山梔薄荷白芍歸柏治之而愈

一男子患疥癩痛發熱脈浮數以人參敗毒散四劑少愈更以當歸飲子數劑而愈

一男子患疥癩痛寒熱便秘脈數有力以防風通聖散二劑少愈更以荆防敗毒散加黃芩山梔四劑而愈

一婦人患疥作癢午後尤甚以當歸飲子數劑少愈更以人

參荆芥數劑而安。

薛立齋治一男子患疥久不愈搔起白屑耳作蟬聲以四生

散白附子黃耆
獨活茯苓

數服癢止更以當歸飲子數劑而痊。

一男子患疥下體居多癢痛日晡尤甚腿腕筋紫而脹脈洪大此血熱而然也。就於紫處刺去瘀血以四物湯加芩連地骨皮柴胡四劑而安。患在上體若臂腕筋紫脹亦宜刺去其血。以前湯加柴胡黃芩即愈。

二男子搔癢成瘡日晡痛甚以四物加芩連荆防數劑而止。更以四物加茯苓首烏黃耆二十劑而愈。

智化寺一僧病瘡疥自用雄黃艾葉等藥燃於被中熏之翌

日遍身炊腫皮破出水飲食不入投以解藥不應而死蓋藥熏入腹內而散真氣其禍如此。

丁丑子舉家生瘡家人亦用此方熏之瘡不愈未幾變兒出痘症極凶藥不能下咽而歿殆亦受其毒耳。

一男子患瘡疥搔破出膿水面赤作渴大便堅實脈洪數左關寸爲甚此木火相搏也先用瀉毒丸料煎服熱勢頓減又用梔子柴胡散加味逍遙散而瘡愈。

一儒者遍身生瘡瘙癢膿水淋漓自知醫服八珍荆防之類益甚脈洪大按之無力謂此氣血虛熱也用八珍湯加丹皮治之而愈繼娶後兩足生瘡久不愈尺脈數而無力用



地黃丸八珍湯而痊。

一男子患疥乾癢作痛。以芩連荆防山梔薄荷白芍歸稍治之而愈。

蔣仲芳治一僧。初患疥。自以水銀蘄艾熏之。遂喘息胸滿。遍身浮腫。或投五皮飲不效。投椒目大黃等。喘腫愈甚。曰氣道皮膚。肺氣熱也。復以火熏。火毒傷肺。遂失降下之令。氣道塞。水道閉。喘息溺澀。浮腫之所由來也。今復推蕩陰血。又傷。若非童真。難免于死矣。以麥冬黃芩山梔桑皮花粉滑石木通燈草與之。四劑而愈。

薛案有一僧亦用薰法致死

胡氏子年二十餘。生膿窠。已一年。服藥無算。長卧床席。二三

日間昏暈數次，入其室穢氣盈溢，膿血痛苦，仰臥不能轉側，兩手背皆瘡，不能診候，問其飲食惡心否？云：尚可飲食。曰：胃氣在可生也。卽以黃耆、白朮、當歸、甘草、廣膠爲主，佐以銀花、浮萍，煎之以酒。六劑瘡愈大半，二十劑而全愈。

姚氏婦有子而胸乳肥瘡如桃，背及下半身俱滿，異痛異癢，膿血淋漓，已經三月，不時寒熱，漸作惡心。蔣曰：病急矣，但喜其日未久，因乳子而氣血驟虛，因多臥而飲食不運也。亦以前方加黃柏、連翹、陳皮、香附，外以大黃、樸硝、松香、東丹爲末，少加飛鹽、麻油調敷，亦不久而愈。此二人者，胡子清熱消運之品，俱爲日久虛弱者設也。若初起壯實者，粒

如小粟而多癢。曰疥瘡。風熱爲勝。理以苦參黃柏荆芥防風爲君。膿泡如痘而多痛。曰膿窠。濕熱居多。理宜蒼朮秦艽銀花連翹爲主。俱加天麥門冬酒炒黃芩。以清肺蓋肺主皮毛。肺熱則皮毛有是疾也。若日久則肺虛。又宜補肺。而不宜清肺矣。此意先哲未及故附之。

癬

張子和治一女子年十五兩股間濕癬長三四寸下至膝發

癢時爬搔湯火俱不解癢定黃赤水出又痛不可耐灸炳熏燥硫黃藺茹僵蠶羊蹄跟之藥皆不效其父母來求療

張曰能從予言則瘥。父母諾之。以排針磨尖快。當其瘡處。于癰上各刺百餘針。其血出盡。煎鹽湯洗之。如此四次。大病方除。此方不盡以告後人。恐爲癰藥所誤。涇涇于血。不可不砭者矣。

薛立齋治一人生風癰似癰。三年不愈。五心頻熱。脈洪按之。則澁。此血虛之症。當以生血爲主。風藥佐之。若專攻風毒。則血愈虛。而熱愈熾。血被煎熬。則發癰癰。或爲怯症。遂以逍遙散數劑。及人參荊芥散。二十餘劑而愈。

劉禹錫傳信方云。予少年曾患癰。初在頸項間。後延上左耳。遂成涇瘡。浸淫。用斑蝥狗膽桃根諸藥。徒令蜚蠊其瘡。轉



南京中醫藥大學圖書館藏

盛偶于是州賣藥人。敎用蘆薈一兩研，甘草炙半兩，相和令勻。先以溫漿水洗癬，乃用舊乾帛子拭乾，便以二味合和傅立，乾瘥神效。

草本

立齋治一男子，面青腿內腫患癬，色赤作癢，或爲砭刺出血，發熱，厥痛，服消風散而益甚。服遇仙丹，愈加發熱，作渴，仍服之，膿水淋漓，其脈洪數。左關爲甚。此肝經血虛，火內動，復傷其血，而瘡甚。先用柴胡清肝散數劑，又用四物山梔治之，諸症漸退。用八珍湯、地黃丸，兩月餘而瘥。

張子和治一童子，病滿胸腹，溼癬，每爬搔則黃水出，已年餘。先以未作丸上涌，次以舟車丸瀉，川散下三五行，次服涼



膈加樸硝並成時時呷之不數日而愈

疔瘡

翟立之素善飲遍身疔瘡搔起白屑上體爲甚面目焮腫成瘡結痂承漿眼赤出淚左關脉洪數有力或作癰風治之膿潰淋漓此肝火淫毒以四物湯加乾薑連翹山梔柴胡一劑諸症悉退四劑全退兩睛各顯青白翳一片亦屬肝火再劑翳去乃用六味丸而愈

一儒者身發疔瘡時起赤暈憎寒發熱服癰風之藥眉落筋攣後疔瘡漸潰日晡熱甚肝脈弦洪餘脈數而無力此肝



經血虛風熱也。先以小柴胡合四物湯。加丹皮酒炒黑梔。再與加味逍遙散。加參朮鈎藤。服兩月瘡悉愈。而眉漸生。後因怒復作。用小柴胡湯。加芎歸鈎藤木賊而愈。後勞役發熱。誤用寒劑。不時身癢。曰晡赤暈。早與補中益氣湯。加五味麥冬山藥。午後與加減八味丸。尋愈。後食炙燂等物。仍發疙瘡。小便白濁。關脈滑大有力。用補中益氣湯。加山梔。諸症悉退。

一男子秋間發疙瘡。兩月餘漸高。有赤暈。月餘出黑血。此風熱血虛所致。先用九味羌活湯。風熱將愈。再用補中益氣湯而愈。後不慎房慾。復作盜汗。晡熱口乾。唾痰體倦。嬾言。

用補中益氣湯加減八味丸頓愈。

一婦人遍身疙瘡搔癢，敷追毒之藥，成瘡出水，寒熱脇痛，小便不利，月經不調，服祛風之藥劑，形體消瘦，飲食少，思此肝火血燥生風也。前藥益傷肝血，先用歸脾湯二十餘劑，又用加味道遙散二十餘劑，諸症漸愈，乃用六味地黃丸調理而瘥。此等症候服風藥而死者多矣。

一男子不時患疙瘡搔癢，成瘡膿水淋漓，惡寒發熱，先用羌活當歸散而瘥止，又用易老祛風丸而不發，後飲燒酒起赤暈，二便不通，口舌生瘡，熱渴不安，用防風通聖散，二便通利，但口乾體倦，飲食不入，用七味白朮散去木香，四劑

而愈

一男子遍身患疙瘩作癢勞而益甚用參耆歸朮爲君佐以柴胡炒苓桔梗川芎炙草而痊。更用補中益氣湯之劑後不再發。

一男子患疙瘩癢發熱形氣虛弱口鼻氣熱且喜飲冷屬外邪也以消風散二劑外邪悉解但倦怠少食更以參耆陳皮炙草五味而健又以補中益氣湯去柴胡升麻加茯苓白芍乃痊。

一男子患疙瘩多在臀脚勞役則癢甚小便色黃服敗毒散苓連之劑患處癢痛夜不能寐此脾氣下陷用補中益氣